

Minneapolis Kev Cai Tiv Thaiv Ntoo (TPO)

KEEB KWM

Minneapolis tab tom tsim ib co kev cai tshiab los tiv thaiv tej ntoo rau lub sij hawm tsim txuas ub no, muab hu ua kev cai tiv thaiv ntoo (tree preservation ordinance, TPO). Yuav kom pab tau peb tsim txoj cai no, peb xav kom cov pej xeem los pab qhia seb tej ntoo muaj nuj nqis li cas rau lawv nyob hauv Minneapolis. Peb mam li siv cov lus no los pab tsim cov kev cai tsim nyog thiab tshab los tiv thaiv ntoo. Yog li ntawd, cov ntaub ntawv hauv qab no yuav pab qhia cov ntsiab lus txog TPO thiab yuav muaj dab tsi tshwm sim rau yav tom ntej no.

Kev Cai Tiv Thaiv Ntoo (TPO)

Kev cai TPO yog ib txoj cai tsim los pab tiv thaiv kev tsis tsim nyog lam tau lam txiav ntoo thiab muab ua dam nyob rau lub sij hawm tsim txuas ub no. Yuav pib kev cai tshab seb yuav los tiv thaiv cov ntoo li cas, thaum twg thiab li cas tsim nyog txiav, thiab dab tsi yuav tshwm sim yog tias ua tsis raws txoj cai.

Yuav Cuam Tshuam Leej Twg

Tej hauj lwm tsim txuas uas tseev kom muaj kev ntsuam xyuas los yog yuav tau thov ntawv tso cai los ntawm lub Nroog thiab muaj feem yuav txiav tawm ntoo los yog tsim txuas ub no nyob ze tej hauv paus ntoo.

Vim Li Cas Nws Thiab Tshwm Sim

Tau txiav ntau tus ntoo thaum tsim ub no thiab yog vim muaj kab noj thiab muaj kab mob. Emerad ash borer (EAB), ib hom kab tsiv heev, ua rau ntau tus ntoo muaj kab mob thiab raug muab txiav pov tseg hauv peb lub zej zog. Cov ntoo pab tau ntau yam xws li txuag kev siv fais fab mus rau lim kom tej cua huv. Lub nroog Minneapolis xav tiv thaiv cov ntoo laus, txo qhov yuav tau txiav ntoo nyob rau lub sij hawm tsim txuas ub no, thiab pab cog tej me nyuam ntoo tshiab kom loj hlob tom qab tsim txuas ub no tag. Tsim tej kev cai rau cov hauj lwm tsim txuas ub no uas tseev mus thov ntawv tso cai yog ib txoj hauv kev los pab qhia tawm thiab tiv thaiv ntoo (thaum ua tau) nyob rau lub sij hawm tsim txuas ub no.

KEV CAI TPO UA HAUJ LWM LI CAS

Txheej Txheem Tsim Txoj Cai thiab Tshwm Sim Mus Li Cas

- Tom qab sib tham tag nrog pej xeem, cov neeg ua hauj lwm hauv Nroog yuav pib sau cov kev cai koom tes nrog cov pab tawm tswv yim. Yuav muaj ib rooj sab laj tom qab no, thiab Pawg Tsav Xwm Hauv Nroog (City Council) mam li pov npav xav cov kev cai TPO. Yog tias lawv pom zoo, mam li muab kev cai TPO nthuav tawm thiab mam li xaiv seb yuav pib siv txoj cai no rau hnub twg.
- Txoj cai TPO yuav muaj feem rau txhua tes hauj lwm tsim txuas ub no uas muaj raws li cov kev cai ntawd hais thiab muaj feem rau lub sij hawm tsim txuas ub no ua ntu zus tsim tuaj tom qab.

Txhais tawm lo lus “ntoo uas raug tiv thaiv”

- Cov ntoo uas raug tiv thaiv muab tis npe hu ua “ntoo tseem ceeb” vim lawv loj, lawv yog hom twg, hnub nyoog los yog tuaj tau zoo npaum li cas.
- Tsis txhob txhawj: Cov ntoo uas tuaj tsis zoo, tuag lawm los yog muaj kev phom sij yeej muab tshem tawm tau.

Tej hauj lwm uas nyob hauv qab kev cai TPO

- Cov hauj lwm uas nyob hauv qab: Tej hauj lwm tsim txuas uas ntiag tug ua tom tsev los yog lag luam (private property) uas yuav tau mus thov kev tso cai los ntawm lub Nroog thiab yuav tau txiav tawm cov ntoo uas raug tiv thaiv, ua hauj lwm hnay nyob ze cov haus paus ntoo, los yog khawb qhov tob nyob ze cov ntoo.
- -Lub Nroog yuav tswj hwm dab tsi: Kev npaj ua ntej tsim txuas, thaj chaw uas yuav tsim txuas, kev tsim txuas kiag, thiab kev saib xyuas cov ntoo tom qab.

Cov ntsiab lus



Tiv thaiv cov ntoo thaum tsim txuas ub no

Tiv thaiv cov haus paus ntoo los ntawm muab xov thaiv thiab tsis txhob mus ua tej hauj lwm hnay nyob ze cov haus paus ntoo.



Rov cog dua

Yog tias tau muab ib tug ntoo twg txiav, yuav tau rov cog dua ib tug ntoo tshiab yog tias muaj chaw cog. Yog tsis muaj lawm, tes hauj lwm no yuav tau them ib tug nqe los pab cog cov ntoo tshiab no hauv lub Nroog rau ib qho chaw txawv.



Pab kom cov ntoo loj hlob

Kev cai TPO yuav pab kom cov ntoo uas nyob ntawm thaj chaw ntawd loj hlob, muaj av zoo, thiab muaj kev pab tu xyuas nyob rau lub sij hawm thiab tom qab kev tsim txuas tag.

KEV TIV THAIV NTOO

Kev tiv thaiv ntoo nyob rau lub sij hawm tsim txuas

- Tiv thaiv lub hauv paus ntoo: Xov thaiv cov haus paus ntoo; tsis txhob siv tej tshuab loj, teem tej khoom sib tshooj thiab tsis txhob khawb qhov nyob ze thaj tsam ntawd. Thaj tsam no yog muab hu ua thaj tsam tiv thaiv hauv paus ntoo (protected root zone, PRZ) los yog thaj tsam tiv thaiv ntoo (tree protection zone, TPZ)
- Saib taus cov av thiab dej: Ib tug ntoo twg cov hauv paus tsis yog nyob ze ib puag ncig tsob ntoo xwb. Tsis txhob ntaus kom cov av tus yees hauv qab tsob ntoo; ywg dej rau cov ntoo tshiab nyob rau lub sij hawm tsim txuas thiab tom qab ntawd.
- Kev cai txiav cov ntsis thiab txiav tawm ntoo: Tsis txhob lam tau lam txiav cov ntsis ntoo uas raug tiv thaiv. Kev pom zoo txiav cov ntsis ntoo yuav tsum tshwm sim thaum pib lub 11 Hlis mus txog thaum pib lub 3 Hlis thaum tsis muaj kab mob thiab kab noj ntoo. Tsuas txiav tawm cov ntoo uas tau txais kev pom zoo txiav xwb.
- Kev rhuav thiab kho av kom zoo tsim txuas: Ua raws li cov kev cai tiv thaiv cov haus paus ntoo thiab av kom zoo li zoo tau thaum rhuav tshem vaj tse thiab ua hauj lwm ntawm thaj chaw. Teeb kom muaj cov kev nkag thiab kev tawm, siv cov txiag ntoo los yog cov hmoov ntoo los thaiv kom cov av tsis txhob raug nias heev.



Kab Lus Rau Daim Duab: Tau muab cov yas ntxaij xim kab ntxwv los xov tiv thaiv ib tsob ntoo loj thaum tab tsim tsim txuas ub no.



Kab Lus Rau Daim Duab: Feem ntau thaj tsam tiv thaiv haus paus ntoo (PRZ) yog cov haus paus uas nyob ib ncig cov ceg ntoo.

Txheej txheem cog ntoo tshiab

Hloov Tsob Nto: Yuav muaj ib txoj cai (rov ntxiv rau) uas qhia seb rau txhua tsob ntoo uas raug txiav, yuav cog pes tsawg tsob ntoo tshiab. Qhov no yuav nyob raws seb tau txiav tsob ntoo loj li cas.

- Cog cov ntoo uas thev tau cov huab cua nyob nws thaj tsam thiab loj hlob tau zoo nyob rau hauv Minneapolis; loj tsim nyog rau thaj tsam ntawd. Yuav teev tseg cov npe ntoo no los pab taw qhia.
- Hom phiaj sij hawm luv (xws li sij hawm teem tseg yuav ywg dej) yuav pab kom cov me nyuam ntoo cog tshiab loj hlob rau thawj ob peb lub xyoo ntawd.
- Yog tias cog ntoo tsis tau rau thaj chaw ntawd ces, yuav tau them nyiaj mus cog ntoo rau lwm qhov chaw nyob ze.

Kev tseev kom ua raws kev cai TPO

- Cov neeg ua hauj lwm hauv Nroog rau ceg hauj lwm Planning and Health Department yuav ntsuam xyuas cov hom phiaj tsim txuas thiab yuav tuaj ntsuam xyuas thaj chaw ntawd.
- Yog tias tsis ua raws cai ces kuj yuav raug nplua, txwv tsis pub tsim txuas ntxiv lawm, los yog tseev kom kho tej teeb meem ua ntej (rov cog dua, kho) mam li rov tsim txuas tau. Kuj yuav muaj kev thov thim lus yog tias lub nroog hais yuam kev lawm.

Raws qab thiab koom tes

-Pej Xeem Tawm Lus: Lub zej zog yeej pab tawm tswv yim rau tej yam uas tseem ceeb tshaj - kev nraim tshav thaum caij ntuj sov, kev tiv thaiv cov hauv paus ntoo thaum muaj dej nyab, thiab cov kev cai sib npaug rau txhua thaj tsam.



Raws qab es thiaj li paub tias thaum twg muaj rooj sab laj, cov qhab nia ntawm cov lus nug yog li cas, thiab tes hauj lwm mus zoo li cas nyob rau hauv lub Nroog lub vej xaij.

Koj yeej tiv tauj tau tus saib xyuas kev tiv thaiv ntoo hauv Nroog, Sydney Schaaf at sydney.schaaf@minneapolismn.gov yog tias koj muaj lus nug los yog xav paub ntxiv.